

Ulloq: 10. februar 2023
Allaffik: Nordatlantkontoret
Sul. sulia.: Astrid Boesen
Suliat normua: 2022-490-0346
Dok.: 2622623

Eqikkaaneq

**Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinnejarnissaat
pillugu inatsisisatut siunnersuut (Tarnikkut nakuuserfigineqarneq
pillugu aalajangersagaq immikkoortoq) aamma
pillaasarnermik inatsisip allanngortinnejernerata ilaunik aamma
inatsisit assigiinngitsut allat Kalaallit Nunaannut
atuutilersinneqarnissaat pillugu peqqussut**

Kalaallit Nunaanni qallunaat akisussaaffisa ineriertortinnejarnissaat
pillugit naalakkersuisut Kalaallit Nunaannilu Namminersorlutik oqartussat
suliaqnerannut ilaattillugu inatsisisatut siunnersuut suliarineqarpoq.
Tassunga atatillugu tarnikkut nakuuserfigineqarneq pillugu
aalajangersakkamik immikkoortumik ilanngussisoqarnissaa
Naalakkersuisut kissaatigisimavaat, taamaalilluni qanigisiinni tarnikkut
nakuuserfigineqarneq timikkut nakuusernermut naligiissinneqassamat.

Tarnikkut nakuuserfigineqarneq pillugu pinerluttulerinermi inatsit
massakkuugallartoq aalajangersakkamik immikkoortumik imaqanngilaq,
kisianni qanoq iliornernut, inuup allap tarnikkut innarligassaannginneranik
innarliisutut oqaatigineqarsinnaasunut aalajangersakkanik arlalinnik
imaqarluni. Uani ilaatigut ilaqtutaminik inoqutiminilluunniit innarliineq
pillugu § 75, inatsisit unioqqutillugit pinngitsaaliineq pillugu § 91,
siorasaarineq pillugu § 98, imm. 1, aamma timikkut nakuuserneq pillugu §
88.

Pinerluttulerinermi inatsimmi timikkut nakuuserneq pillugu § 88-p kingorna
aalajangersakkamik immikkoortumik ilanngussisoqarnissaa inatsisisatut
siunnersuutikkut siunnersuutigineqarpoq, taamaalilluni inummut, allap

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

inoqutigiinni akuuffigisaani ilaasumut qanittumilluunniit
attuumassuteqartumut imaluunniit siusinnerusukkut inoqutigiinnut
taakkununnga taamatut attuumassuteqarsimasumut, aamma piffissap
ingerlanerani uteqqiattumik, allamut pineqartumut assuarnartumik
aqutsissutut naleqquttunik, ingasattumik nikassaanermik, ajortumik
pinninnermik imaluunniit kannguttaatsuliornermik pissusilersortumut,
matumani naqisimanninnikkut, pinngitsaaliiinikkut imaluunniit
nakuusersnikkut nammineq inuuneqarnissamut siunissarlu pillugu
nammineq aalajangiisinjaanissamut killilersuineq ilanngullugit, tarnikkut
nakuusersimasutut eqqartuussisoqarsinnaaniassammat.

Kalaallit Nunaanni eqqartuussisarnermik inatsimmut naleqqiullugu inatsisisatut siunnersuut allannguutinik aamma imaqarpoq, taakkulu tarnikkut nakuuserfigineqarnerup timikkut nakuusernermut naligiissinneqarnissaanik siunertaqarput. Taakkua saniatigut Qanilleqqusinnginneq, najugaqataasinnaannginneq aamma anisitsisarneq pillugit inatsisip Kalaallit Nunaanni atuutilersinneqarnissaa pillugu peqqussummi aamma Aappariilertarneq aappariikkunnaartarnerlu pillugit inatsisip Kalaallit Nunaannut atuutilersinneqarnissaa pillugu peqqussummi, allannguinerit malitsitsigaannik naqqiisoqarnissaa aallarnerniarneqarpoq.

“Tarnikkut nakuuserfigineqarneq” pillugu paasinneriaatsip nalinginnaasumik atuuttussamik nassuiarneqarnissaa, aalajangersagassatut siunnersuummi siunertarineqangnimmat maluginiarneqassaaq.

Pinerluuteqartunut “inoqtigiinni allapakuuffigisaani ilaasunut qanittumilluunniit attuumassuteqartunut” aalajangersagassatut siunnersuutigineqartoq atorneqassaaq. Inunnut eqqunngitsuiliorfigineqartup inoqtigiinni ilaaffigisaaniittunut, assersuutigalugu aappaanut, inooqatigisaanut, angajoqqaavinut, qatanngutaanut imaluunniit angajoqqaarsiaanut, aalajangersagassatut siunnersuutigineqartup atorneqarnissaa taamaalilluni piumasaqataavoq. Taakku assersuutigalugu tassaasinnaapput siusinnerusukkut aapparisimasat, suli inoqtigiinnut akuttunngitsunik takkuttartut.

Tarnikkut nakuuserfiginninnerup pinerluuteqartullu inoqutigiinnut
attaveqarnissaata taamatut attaveqarnissaat piumasaqaataavoq.
Assersuutigalugu innarliinerit, eqquunngitsuliorfigineqartup
pinerluttuliortullu najugaqatigiinneranni aallartittut, aamma
pinerluttuliortup inoqutigiinni ilaajunnaarnerata kingorna ingerlaqqittut,
aamma innarliinerit, aappariinnerup atorunnaarsinnejnarneranut atatillugu

aallartittut, naammattumik atassuteqartutut nalilerneqassapput. Kannguttaatsuliornermik pissusilersorneq kisianni aappariinnerup atorunnaarsinnejarneraniit il.il. piffissap sivisuup qaangiutereernerani aatsaat aallartippat, pissusilersorneq aallaaviatigut aalajangersakkamut ilaatinneqassanngilaq.

Pissusilersorneq “piffissap ingerlanerani uteqqiattumik” pisimassasoq, aalajangersagassatut siunnersumi aammattaaq piumasaqaataavoq. Pissusilersorneq uteqqiattumik pissusilersornerussasoq aamma ilutsitut nalinginnaasumik isigineqassasoq uani pineqassaaq, taamaammallu innarliinerit ataasiaannarluni pisut taamaalillutik aalajangersakkap avataaniipput.

Naalakkersugaaneq taamaattoq nalinginnaasumik equnngitsuliorfigineqartup kisermassilluni naalakkersorneqarneratut peqqarniitsumillu naalakkersugassatut nakkutigisassatullu pineqarneratut pissuseqartarpoq. Iliuutsit ilaginnaanerillu assigiinngitsorujussuit pineqarsinnaapput, taakkulu tamarmik allap timimigut peqqissutsimigilluunniit innarlerneqarneranik imaqarsinnaallutik, matumani pineqartup tarnikkut qanoq issusia ilanngullugu.

Kinaassusersiunngitsumik isigaluni, kialluunniit “ingasattumik nikassaanermik, ajortumik pinninnermik imaluunniit kannguttaatsuliornermik pissusilersorfigineqarnera” uani pineqassaaq. Paasinneriaatsit imminnut saatillugit erseqqissumik killilersorneqarsinnaanngillat, tassami iliuutsit ilaat nikassaanerusinnaapput, ajortumik pinninnerullutik aamma kannguttaatsuliornermik pissusilersorfiginninnerusinnaallutik.

Iliuutsit nikassaanerusut eqqarsaatigalugit, pissusilersornerit eqquaasumut nikanarsaanermut imaluunniit isorinnermut atorneqarsinnaasut eqqarsaatigineqarput. Uani assersuutigalugu pinerluuteqartup equnngitsuliorfigineqartoq allaniit ajorerusumik pisimasinnaavaa, equnngitsuliorfigineqartup pissutsinut imminut tunngassuteqartunut sunniuteqarsinnaaneranik arsaarneqarsimanera, imaluunniit equnngitsuliorfigineqartoq, equnngitsuliorfigineqartup nuannarinngisaanik imaluunniit naleqqutinngitsutut isigisaanik, iliuuseqaqqullugu imaluunniit naammagiinnartariaqalersillugu pinngitsaalineqarsimanera pineqarsinnaavoq.

Kannguttaatsuliornermik pissusilorsorneq pillugu paasinneriaaseq atituvoq, assersuutigalugu pissusilorsornerit, eqqunngitsuliorfigineqartup ataqqinassusaanik imaluunniit imminut tatigineranut ajoqsiinissamut naleqquttut, imaluunniit allatigut eqqunngitsuliorfigineqartup tarnikkut innarligassaannginneranik ajortumik sunniuteqarsinnaasut uani ilaapput. Kannguttaatsuliornermik iliuuseqarnermi ilisaqqunnartumik eqqunngitsuliorfigineqartup killigititani qaangerneqartutut misigissavai, matumani assersuutigalugu kinguaassiutinut tunngatillugu imaluunniit nakkutigineqarneq aqqutigalugu.

Assersuutigalugu inuup ilaquaanit attaveqarfiiinilluunniit immikkoortinneqarnera, inuup akuersiteeqaarnagu nakkutigineqarnera, nunanut allanut angalanissat pillugit pingaaruteqartumik aalajangiinissat pillugit inuup nalornisinneqarnera, inuup nammimeq nikissinnaanissaminut kiffaanngissuseqarnerata annikillisinneqarnera, inuup meeraanit qanigisaanilluunniit immikkoortinneqarnera, inuk ajoquerniarlugu inuup meeraanik qaniginerpaasaanilluunniit innarliineq nakuusernerluunniit, ataqqinninnermik aamma/imaluunniit ilaqtariit nalinginnaasumik qanoq issusaannik takutitsinissaq pillugit takorluuinerit innersuussutigalugit inummik appariinnermiiginnartitsineq imaluunniit eqqunngitsuliorfigineqartup allakkut naqisimanninnikkut, pinngitsaaliinikkut imaluunniit nakuusernikkut nammimeq inuuneqarnissamut siunissarlu pillugu nammimeq aalajangiisinnaanissamut killilersorneqarnera, eqqunngitsuliorfigineqartup inuunini pillugu aalajangiinissaanut, assersuutigalugu iliniagaqarneq imaluunniit aappaqarneq pillugu qinersisinnaanera pillugit inuit allat eqqunngitsuliorfigineqartumut kimigiisertinneqarnerat, iliuutsitut nikanarsaataasutut, ajortumik pinninnertut innarliinertullu taaneqarsinnaapput. Meeqqanut immikkut ittumik tunngatillugu, meeqqap allanngujuitsumik naleqanngitsutut iliuuseqarfigineqarneranik, imaluunniit meeqqap nammimeq naleqassutsiminik misigisimaneranik qajannarsisitsisunik iliuuseqarnerit, qanoq iliornertut taaneqarsinnaapput. Assersuutigalugu meeqqap soqtigineqannginnera isumassorneqarumannginneralu, imaluunniit meeqqap angajoqqaavisa akerleriissuteqarneranni meeqqap sallunaveeqqutitut tigusaanera uani pineqarsinnaapput. Aamma meeqqap timaa, oqimaassusaa imaluunniit nerisaqarnera pillugit oqaaseqaatit uani pineqarsinnaapput. Taaneqartut tamakkiisuunngillat.

Aalajangersagassatut siunnersuummut iliuuserineqartup ilaatinneqarnissaanut nikanarsaaneq, ajortumik pinninneq imaluunniit

kannguttaatsuliornermik pissusilersorneq ingasattutut
taaneqarsinnaasariaqassaq.

Eqqunngitsuliorfigineqartup assuarnartumik aqunneqarniarneranut
iliuuserineqartoq naleqquttuussaaq. “Aqtsiniarnermik” oqaasertaq
nakkutilliiniarnertut pissusilersornermut tunngassuteqarpoq,
taamaaliornerullu eqqunngitsuliorfigineqartup akornusersorneqarani qanoq
iliorsinnaanissaanut akornusiinertut isigineqassaaq, matuman
innarlerneqarnerit nutaat annilaangagineqarnerisa pissutigineqarnerat
ilanngullugit. Pissusilersorneq eqqunngitsuliorfigineqarup
aqunneqanissaanut naleqquttuunersoq kinaassusersiunngitsumik
nalilerneqassaaq. Aqtsinermik pissusilersorneq aammattaaq
“assuarnartuussaaq”, tassanilu peqataasut pissusissamisoortumik imminnut
attaveqarnerannut aqtsiniarnermik pissusilersorneq ilaanngilaq.